


7. Januar 2009



Olivia

Marvin



Grüezi Frau Muhmenthaler,

für s`neue Jahr wünsched mir drüü (Marvin, Oliva und ich) Ihne au nur s`Allerbeschti, vill Gsundheit, Glück und natürli villi gueti Tiervermittlige!

Mittlerwiile sind mir drüü ja es ziemlich iigschwornigs Team und würd mini beide Schätzis ja nie meh hergäh. Sind beidi wohluuf, au wenn dä Marvin immer mal wieder weg sinere chronische Ohrenentzündig muess behandelt werde (han zum Glück mittlerwiile sehr gueti Tropfe, denn hät er amigs wieder es paar Wuche Rueh). D`Oliva isch jetzt au ganz aahänglich worde (sogar gegenüber Bsuech) und ich muess wüerkli oft lache ab dene beide, händ ja mängisch scho nur Seich im Chopf :-)

I dem Jahr gitts au ä Veränderig, tuen Endi März nach Illnau zügle i ä 3 1/2 Zimmer-Dachwohng (isch doch 25m2 grösser wie die jetzig). Bin ja gspanne wie`s dene beidne gfalle wird, aber denke mal das chunt scho guet, schlieslich känneds jetzt ja d`Möbel und mich, also wirds hoffentlich nöd ä z`grossi Umstellig sii (nöd wie damals wo`s ganz neu zu mir cho sind).

Sie dörfed Eus natürli denn au gern es Bsüechli go mache cho, falls Ihne das Ziit erlaube tuet.

I dem Sinn uf es supi 2009!

Villi liebi Grüessli

Karin, Marvin und Oliva

